

Na osnovu člana 31. Statuta Udruženja poslodavaca FBiH, Upravni odbor UP FBiH, a u vezi sa članom 143. Zakona o radu („Službene novine Federacije BiH“ broj 26/16 i 89/18), na zahtjev Ministarstva za rad i socijalnu politiku, Upravni odbor na svojoj 30 sjednici održanoj dana 05.04.2022.godine u Sarajevu, donosi:

ODLUKU

o pokretanju inicijative za proširenje primjene granskih Kolektivnih ugovora koje je potpisalo Udruženje poslodavaca FBiH

Član 1.

Pokreće se inicijativa za proširenje primjene granskih kolektivnih ugovora na sve poslodavce u Federaciji BiH koji nisu članovi Udruženja.

Član 2.

Udruženje poslodavaca FBiH pokreće Inicijativu za proširenje primjene granskih Kolektivnih ugovora koje je potpisalo Udruženja poslodavaca FBiH i to:

- Kolektivni ugovor o pravima i obavezama poslodavaca i radnika za djelatnost proizvodnje i prerade metala u Federaciji BiH („Sl. novine Federacije BiH“ broj 63/21);
- Kolektivni ugovor za djelatnost drvne i papirne industrije u FBiH („Sl. novine Federacije BiH“ broj 77/21);
- Kolektivni ugovor o pravima i obavezama poslodavaca i radnika za djelatnost građevinarstva u FBiH („Sl. novine Federacije BiH“ broj 80/21);
- Kolektivni ugovor o pravima i obavezama poslodavaca i radnika za djelatnost trgovine u FBiH („Sl. novine Federacije BiH“ broj 85/21);
- Kolektivni ugovor o pravima i obavezama poslodavaca i radnika za djelatnost cestovnog prometa za teritoriju FBiH (“Sl. novine Federacije BiH” broj 103/21).

Član 3.

Zadužuje se stručna služba da poduzme sve aktivnosti za realizaciju ove Odluke.

Član 4.

Ova Odluka stupa na snagu danom donošenja.

Obrazloženje

Udruženju poslodavaca Federacije BiH obratilo se Federalno ministarstvo rada i socijalne politike sa dopisom u kojem na osnovu zahtjeva Sindikata radnika trgovine i uslužnih djelatnosti, traži mišljenje Udruženja poslodavaca FBiH o proširenju primjene Kolektivnog ugovora o pravima i obavezama poslodavaca i radnika za djelatnost trgovine u FBiH („Službene novine Federacije BiH“ broj 85/21).

Na osnovu člana 143. Zakona o radu Federacije BiH („Službene novine FBiH“ broj 26/16 i 89/18), Federalni ministar rada i socijalne politike može proširiti primjenu granskog kolektivnog ugovora i na druge poslodavce koji nisu članovi udruženja poslodavaca – strane kolektivnog ugovora, za koje se ocjeni da postoji opravdani interes radi ostvarivanja ekonomske i socijalne politike u Federaciji u cilju obezbjeđenja jednakih uslova rada.

Udruženje poslodavaca Federacije BiH je potpisnik navedenog Kolektivnog ugovora. Pored ovog Ugovora UPFBiH je potpisnik i još četiri kolektivna Ugovora za djelatnosti proizvodnje i prerade metala, drvne i papirne industrije u FBiH, građevinarstva, te za djelatnost cestovnog prometa za teritoriju FBiH.

U svim navedenim Kolektivnim Ugovorima strane potpisnice su suglasne da se navedeni Kolektivni ugovor primjenjuje na sve kompanije iz tih djelatnosti bez obzira na strukturu vlasništva i bez obzira da li su ili nisu članice Udruženja poslodavaca FBiH.

Imajući u vidu da su navedenim Kolektivnim ugovorima **definisana minimalna prava radnika koja nisu definisana Zakonom o radu FBiH i koja je shodno Zakonu potrebno definisati Kolektivnim Ugovorom, Udruženje poslodavaca u FBiH smatra da postoji interes Federacije BiH da kolektivne ugovore proširi na sve poslodavce u Federaciji BiH.**

Proširenjem primjene granskih kolektivnih ugovora čiji je potpisnik Udruženje poslodavaca odnosno Grupacija poslodavaca pri UPFBiH, na sve radnike i poslodavce obezbjeđuje se:

- Jednaki uslovi rada za sve poslodavce iz određene djelatnosti,
- minimum radnih prava za sve radnike u djelatnostima za koje imaju potpisani kolektivni ugovori,
- suzbijanja sive ekonomije,
- socijalna jednakost za sve zaposlene u sektoru,
- fer tržišna utakmica za sve poslodavce
- jednaka obaveza odgovarajućih uplata poreza, doprinosa i ostalih davanja



- usklađivanje sa Evropskom Konvencijom za zaštitu ljudskih prava i temeljnih sloboda, Evropskom socijalnom poveljom, Konvencijama MOR-a, Međunarodnim paktom o ekonomskim, socijalnim i kulturnim pravima te Ustavom BiH i FBiH.

Shodno navedenom Upravni odbor UPFBiH je donio odluku o pokretanju Inicijative za proširenje primjene svih granskih kolektivnih ugovora koje je potpisalo Udruženje poslodavaca Federacije BiH.

PREDSJEDNIK UPRAVNOG ODBORA

Adnan Smailbegović s.r